

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-19-18018/23  
Sarajevo, 04.10.2023. godine

Na osnovu člana 69. stav (2) tačka d) i e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14 i 59/22) i člana 23. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

## ODLUKU O PONIŠTENJU POSTUPKA JAVNE NABAVKE

### I

Poništva se postupak zajedničke javne nabavke – **Izvođenje radova na izgradnji rezervoara „Reljevo 2”**, broj obavještenja 422-1-3-203-3-207/23, objavljeno na Portalu javnih nabavki dana 07.8.2023. godine i ispravke obavještenja br. 422-1-3-203-8-227/23 od 28.08.2023. i u „Službenom glasniku BiH – Oglasnik javne nabavke“ br. 56/23 i 60/23, obzirom da nijedna dostavljena ponuda nije prihvatljiva.

### II

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba) istovremeno sa dostavljanjem ponuđačima koji su učestvovali u postupku, u skladu sa članom 70. stav (6) Zakona o javnim nabavkama.

### Obrazloženje

Odlukom broj 02/12-19-18018/23 od 01.8.2023. godine Općina Novi Grad Sarajevo pokrenula je postupak zajedničke javne nabavke – **Izvođenje radova na izgradnji rezervoara „Reljevo 2”**, broj obavještenja 422-1-3-203-3-207/23, objavljeno na Portalu javnih nabavki dana 07.8.2023. godine i ispravke obavještenja br. 422-1-3-203-8-227/23 od 28.08.2023. i u „Službenom glasniku BiH – Oglasnik javne nabavke“ br. 56/23 i 60/23. Predmetni postupak zajedničke javne nabavke pokrenut je sa KJKP „Vodovod i kanalizacija“ d.o.o. Sarajevo u skladu sa Aneksom sporazuma o realizaciji programa izgradnje i rekonstrukcije vodovodne mreže i vodnih objekata putem KJKP „Vodovod i kanalizacija“ d.o.o. Sarajevo broj 02/08-19-13339/23 od 31.05.2023. Procijenjena vrijednost nabavke shodno Odluci je 683.760,68 KM bez PDV-a, odnosno 800.000,00 KM sa PDV-om. Općinski načelnik je shodno Aneksu Sporazuma imenovao Komisiju za provođenje predmetnog postupka javne nabavke Rješenjem broj 02/02-04-18653/23, od čega su dva člana predstavnici VIK-a, a tri člana predstavnici Općine.

Zapisnikom o otvaranju ponuda od 11.9.2023. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: 1. „Unioninvest“ d.d. Sarajevo sa ponudnom cijenom za okvirni sporazum u iznosu od 1.087.302,71 KM sa PDV-om, 2. grupa ponuđača „Harysco“ d.o.o. Sarajevo i JKP „Vodograd“ d.o.o. Prozor – Rama sa ponudnom cijenom za okvirni sporazum u iznosu od 799.823,77 KM sa PDV-om. Zapisnik sa otvaranja ponuda dostavljen je ponuđačima putem fax-a / e-maila u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđač treba dokazati svoju kvalifikovanost za učešće u ovom postupku. Komisija je utvrdila da ponuda ponuđača „Unioninvest“ d.d. Sarajevo prelazi planirana sredstava ugovornog organa za predmetnu javnu nabavku, odnosno prelazi procijenjenu vrijednost nabavke iz Odluke o pokretanju postupka. Shodno navedenom ponuda je neprihvatljiva, a što je i u skladu sa savjetodavnim mišljenjem Agencije za javne nabavke BiH. Predmetnim mišljenjem je navedeno da *u otvorenom postupku javne nabavke i konkurentskom zahtjevu za dostavu ponuda neprihvatljivost ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.*

Komisija je utvrdila da ponuda grupe ponuđača „Harysco“ d.o.o. Sarajevo i JKP „Vodograd“ d.o.o. Prozor – Rama ne ispunjava kvalifikacioni uslov tražen u tenderskoj dokumentaciji iz tačke 3.4.1. pod a) *da je ponuđač u proteklih pet kalendarskih godina uspješno izvršio najmanje jedan ugovor koji za predmet ima izgradnju objekta rezervoara za vodu vrijednosti najmanje 400.000,00 KM sa PDV-om.*

Tačkom 3.4.2. pod a) je propisano da se navedeno dokazuje na sljedeći način: *Lista izvršenih ugovora ponuđača koji su realizovani u periodu posljednjih pet godina sa vrijednostima, datumima i naručiocima radova kao dokuz da je ponuđač uspješno izvršio najmanje jedan ugovor koji za predmet ima izgradnju objekta rezervoara za vodu vrijednosti najmanje 400.000,00 KM sa PDV-om.*

*Uz spisak izvršenih ugovora ponuđač je dužan dostaviti potvrdu za ugovor koji za predmet ugovora koji za predmet ima izgradnju objekta rezervoara za vodu vrijednosti najmanje 400.000,00 KM sa PDV-om, koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede; (original ili ovjerena kopija).*

Uvidom u dostavljenu ponudu grupe ponuđača „Harysco“ d.o.o. Sarajevo i JKP „Vodograd“ d.o.o. Prozor – Rama konstatovano je da je na stranici broj 58 ponude dostavljena Lista izvršenih ugovora JKP „Vodograd“ d.o.o. Prozor – Rama, a na stranici broj 59 ponude je dostavljena Potvrda o uredno izvršenom ugovoru za JKP „Vodograd“ d.o.o. Prozor – Rama i „Komgrad“ d.o.o. Prozor – Rama izdata od Općine Prozor – Rama za „Izgradnju vodospreme Čukur“. S obzirom da u dostavljenoj potvrdi nije vidljivo u kojem je iznosu i koje radove izvodilo JKP „Vodograd“ d.o.o. Prozor – Rama kao član grupe ponuđača, zatraženo je pojašnjenje općih uslova za tehničku i profesionalnu sposobnost od grupe ponuđača „Harysco“ d.o.o. Sarajevo i JKP „Vodograd“ d.o.o. Prozor – Rama. Dana 15.09.2023. godine, broj 02-274/23 dostavljen je odgovor od Voditelja grupe ponuđača Harysco d.o.o. Sarajevo da izdavaoc potvrde nema uvid u kojem iznosu i koje radove je izvodio JKP „Vodograd“ d.o.o. Prozor – Rama kao član grupe ponuđača. Shodno navedenom, upućen je zahtjev za dostavljanje informacija Općini Prozor- Rama s ciljem utvrđivanja da li se priložena potvrda može smatrati relevantnom u smislu dokaza o uspješnom izvršenju istih ili sličnih radova koji su predmet nabavke i koja je vrijednost radova koju je izvodio JKP „Vodograd“ d.o.o. Prozor – Rama.

Općina Prozor – Rama je dostavila odgovor 27.09.2023., broj 01/1-11-210/23-1 da učešće JKP „Vodograd“ d.o.o. Prozor – Rama u izgradnji vodospreme Čukur iznosi 15 % vrijednosti ugovora (vrijednost ugovora 450.054,85 KM sa PDV-om) i da je izveo radove iskopa i polaganja dovodnog cjevovoda i postavljanje cjevovoda u vodospremi. Imajući u vidu navedeno Komisija nije mogla prihvatiti dostavljenu potvrdu jer grupa ponuđača nije dokazala da je izvodila radove izgradnje objekta rezervoara za vodu vrijednosti najmanje 400.000,00 KM sa PDV-om.

Iz naprijed navedenog razloga utvrđeno je da grupa ponuđača „Harysco“ d.o.o. Sarajevo i JKP „Vodograd“ d.o.o. Prozor – Rama ne ispunjava uslove tražene u tenderskoj dokumentaciji iz tačke 3.4.1. (a) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od objave Odluke o poništenju postupka. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

**DOSTAVITI:**

1. Komisiji za javne nabavke radova
2. Ponuđačima u postupku
3. U spis



**Općinski načelnik**

**mr. Semir Efendić**